



**A**ndreas Gerardus Hyperius natus est Hyperis, inclyto oppido Flandriæ, decimosexto Maij anno 1511. Patrem habuit eiusdem nominis clarissimum apud Hyperas Iuriconsultum. Matrem uerò Catherinam Coëtz ex nobili Patritiorum Gandauenfium familia. Parentes puerum statim anno ætatis undecimo, post percepta iam mediocriter elementa Grammatices, Iacobo Papæ, Poëtæ id temporis celebri, in disciplinam tradiderunt, qui Vastinis ad flumen Lysam bonas literas docebat. In ea schola etiam puer Ioannem Sepanũ audiuit, uirum linguarum cognitione insignem. Deinde anno ætatis suæ 13 Insulas Flandrorum cõ-

migravit, ut cum bonis literis etiam Gallicam linguã addiceret. Vbi in scholis Ioannem Lacteum audiuit, de cuius ore dulcissima oratio profluebat. Proposuerat quidem pater filium suum Lutetiam ablegare, ut ibidem institueretur. uerũ ob ingruentia bella Cæsaris cum Gallo, id non tutum erat. Itaque eum aliquandiu secum retinuit domi, atq; scribendo exercuit. Interim pater anno millesimo quingentesimo uigesimo quinto moritur, atque uxori mandat, ut ubi primũ bella sopita essent, filium Lutetiam ad persequenda studia mitteret. Viderat enim pater egregiam indolem, cum naturali facundia coniunctam, in adolescente.